

Na osnovu člana 24. tačka b) Zakona o internoj reviziji institucija Bosne i Hercegovine ("Službeni glasnik BiH", br. 27/08 i 32/12) i čl. 33. i 34. stav (8) Programa obuke i certificiranja internih revizora u institucijama Bosne i Hercegovine ("Službeni glasnik BiH", br. 7/15 i 89/18), Centralna harmonizacijska jedinica Ministarstva finansija i trezora Bosne i Hercegovine, donosi

ODLUKU

o dopunama Odluke o načinu bodovanja, evidentiranja i izvještavanja o kontinuiranoj profesionalnoj edukaciji internih revizora u institucijama Bosne i Hercegovine

Član 1.

U članu 5. stav (7) tačka i) Odluke o načinu bodovanja, evidentiranja i izvještavanja o kontinuiranoj profesionalnoj edukaciji internih revizora u institucijama Bosne i Hercegovine ("Službeni glasnik BiH", br. 56/17), u daljem tekstu: Odluka, nakon riječi "KO CJH ifili CHJ," dodaje se novi tekst koji glasi:

"kao i obuke o prevenciji korupcije i sprečavanju nepravilnosti i prevara,"

Član 2.

U članu 7. Odluke, nakon stava (4) dodaju se novi stavovi (5), (6) i (7), koji glase:

"(5) Domaći pružaoci usluga/izvođači obuka KPE navedeni u alinejama 13. i 14., stava (2) ovog člana, ukoliko žele da se obuke koje provode priznaju od strane CHJ kao KPE internih revizora u institucijama BiH, moraju dostaviti zahtjev CHJ najkasnije 15 dana prije planiranog termina za početak obuke.

(6) Zahtjev sadrži podatke o programu obuke, trajanju obuke i predavačima.

(7) CHJ će prilikom obrade zahtjeva utvrditi da li je program planirane obuke usaglašen sa Programom i ovom odlukom, kao i da li predavači koji će izvoditi obuku ispunjavaju uslove utvrđene u članu 12. Programa."

Član 3.

(1) Ova odluka stupa na snagu osmog dana od dana objavljivanja u "Službenom glasniku BiH".

(2) Odluka će biti objavljena i na web stranici Centralne harmonizacijske jedinice Ministarstva finansija i trezora BiH: www.mft.gov.ba.

Broj: 02-1-02-4-265-1/19
Sarajevo, 12.09.2019. godine



Direktor
Centralne harmonizacijske jedinice
Ministarstva finansija i trezora BiH
Ranko Šakota